





水經卷三十八

漢桑欽撰

後魏酈道元注

資水

漣水

湘水

灑水

溱水

資水出零陵都梁縣路山

說文資水名地理志零陵郡縣有都梁侯國路山資水所出東北至益陽入沅過郡行十八百里地理志零陵郡武帝元鼎六年置莽曰九疑屬益州

資水出武陵郡無陽縣界唐紉山蓋路山之別名也

謂之大谿水東北逕邵陵郡武岡縣南縣分都梁之

所置也縣左右二岡對峙重岨齊秀間可二里舊傳

後漢伐五谿蠻蠻保此岡故曰武岡縣即其稱焉大

谿逕建興縣南又逕都梁南漢武帝元朔五年以封

長沙定王子敬侯定之邑也縣西有小山山上有渟



地理志零陵郡縣有夫夷郡國志曰夫夷侯國故屬長沙

水既清且淺其中悉生蘭草綠葉紫莖芳風藻川蘭馨遠馥俗謂蘭為都梁山因以號縣受名焉

東北過夫夸縣

夫水出縣西南零陵縣界少延山東北流逕扶陽縣

南本零陵之夫夸縣也漢武帝元朔五年以封長沙

定王子敬侯義之邑也夫水又東注邵陵水謂之邵

陵浦口水也當作浦

東北過邵陵縣之北邵陵郡三國時置此非欽本也

縣治郡下南臨大谿水逕其北謂之邵陵水魏咸熙

二年吳寶鼎元年孫皓分零陵北部立邵陵郡於邵

陵縣故邵陵也谿水東得高平水口水出武陵郡

澧陵縣首望山西南流高平縣南又東入邵陵縣界

南入於邵水邵水又東會雲泉水水出零陵永昌縣

雲泉山西北流逕邵陽南縣故昭陽也昭陽疑作昭陵漢志長沙

國有昭陵縣雲泉水又北注邵陵水謂之邵陵水口自下

東北出益陽縣其間逕流山峽名之為茱萸江蓋水

變名也

又東北過益陽縣北地理志長沙國縣有益陽湖山在江應劭曰在益水之陽

縣有關羽瀨所謂關侯灘也南對甘寧故壘昔關羽

屯軍水北孫權令魯肅甘寧拒之於是水寧謂肅曰

羽聞吾咳唾之聲不敢渡也渡則成擒矣羽夜聞寧

處分曰興霸聲也遂不渡茱萸江又東逕益陽縣北

地理志長沙國縣有昭陵



郡國志益陽注曰荆州記曰縣南  
十里有平岡有金井數百淺者四  
五尺深者不測俗傳云有金人以杖撞  
地輒成井

地理志長沙國縣有連道

又謂之資水應劭曰縣在益水之陽今無益水亦或  
資水之殊即矣然此縣之左右處處有深潭鮫者咸  
輕舟委浪謠詠相和羅君章所謂其聲縣邈者也水  
南十里有井數百口淺者四五尺或三五丈深者亦  
不測其深古老相傳昔人以杖撞地輒成井或云  
古人采金沙處莫詳其實也  
又東與沅水合於湖中東北入於江也  
湖即洞庭湖也所入之處謂之益陽江口  
漣水出連道縣西資水之別  
水出邵陵縣界南逕連道縣故城在湘鄉縣西一  
百六十里控引眾流合成一谿東入衡陽湘鄉縣歷

戴君曰定王定字或後人所加

地理志長沙國縣有湘南又有臨  
湘春曰撫睦

石魚山下多玄石山高八十餘丈廣十里石色黑而  
理若雲母開發一重輒有魚形鱗鬣首尾宛若刻畫  
長數寸魚形備足燒之作魚膏腥因以名之漣水又  
逕湘鄉縣南臨漣水本屬零陵長沙定王子昌邑漢書  
王子侯表哀帝建平四年封長沙漣水又屈逕其縣  
王子昌為湘鄉侯疑非定王子也東而入湘南縣也

東北過湘南縣南又東北至臨湘縣西南東入於湘  
漣水自湘南縣東流至衡陽湘西縣界入於湘水也  
於臨湘縣為西南者矣

相水出零陵始安縣陽海山始安字縣行  
即陽朔山也應劭曰湘出零陵山蓋山之殊名也山



地理志零陵郡縣有零陵陽海山  
湘水所出北至鄱入江過郡二行二十五  
百三十里

地理志零陵郡縣有洮陽莽曰洮  
如音曰洮音蕭史記索隱曰洮音  
音道

地理志零陵郡縣有泉陵侯國  
莽曰溇澗

在始安縣北縣故零陵之南部也魏咸熙二年孫皓  
之甘露元年立始安郡湘灘同源分為二水南為灘  
水北則湘川東北流羅君章湘中記曰湘水之出於  
陽朔則觴為之舟至洞庭日月若出入於其中也  
東北過零陵縣東

越城嶠水南出越城之嶠嶠即五嶺之西嶺也秦置  
五嶺之戍是其一焉北至零陵縣下注湘水湘水又  
逕零陵縣南又東北逕觀陽與觀水合水出臨賀郡  
之謝沐縣界西北逕觀陽縣西縣蓋即水為名也又  
西北流注於湘川謂之觀口也

北過洮陽縣東

洮水出縣西南大山東北逕其縣南即洮水以立稱  
矣漢武元朔五年封長沙定王子靖侯狗玃為侯國  
舊本作洮陽侯狗玃按漢書表作玃燕而史記年  
表作狗玃恐史記譌也按索隱引漢表作將燕王莽

又東北過泉陵縣西

營水出營陽冷道縣南流山西流逕九疑山下磐基  
當作蒼梧之野峰秀數郡之間羅巖九舉各導一谿  
岫壑負阻異嶺同勢遊者疑焉故曰九疑山大舜窆  
其陽商均葬其陰山南有舜廟前有石碑文字缺落  
不可復識自廟仰山極高直上可百餘里古老相傳  
言未有登其峰者山之東北冷道縣界又有舜廟縣

案音書  
孫權分蒼  
梧置臨  
賀郡



南有舜碑碑是零陵太守徐儉立營水又西逕營道  
縣馮水注之水出臨賀郡馮乘縣東北馮岡其水導  
源西北流縣馮谿以託名焉馮水帶約衆流渾成一  
川謂之北渚歷縣北西至關下關下地名也是商舟  
改襄之始馮水又左合萌渚之水水南出於萌渚之  
嶠五嶺之第四嶺也其山多錫亦謂之錫方矣渚水  
北逕馮乘縣西而北注馮水馮水又逕營道縣而右  
會營水營水又西北屈而逕營道縣西王莽之九疑  
亭也營水又東北逕營浦縣南營陽郡治也魏咸熙  
二年吳孫皓分零陵置在營水之陽故以名郡矣營  
水又北都谿水注之水出春陵縣北二十里仰山南

逕其縣西縣本冷道縣之春陵鄉蓋因春谿為名矣  
漢長沙定王分以為縣武帝元朔五年封王中子買  
為春陵節侯縣故城東又有一城東西相對各方百  
步古老相傳言漢家舊城漢稱猶存知是節侯故邑  
也城東角有一碑文字缺落不可復識東南三十里  
尚有節侯廟都谿水又南逕新縣東縣東旁都谿谿  
水又西逕縣南左與五谿俱會縣有五山山有一谿  
五水會於谿門初學記引此注故曰都谿也都谿水  
自縣又西北流逕冷道縣北與冷水合水南出九疑  
山北流逕其縣西南縣指冷谿以即名王莽之冷陵  
縣也冷水又北流注於都谿水又西北入於營水谿



水又北流注於營陽峽又北至觀陽縣而出於峽矣  
大小二峽之間為汧沂之極艱矣營水又西北逕泉  
陵縣西漢武元朔五年以封長沙定王子節侯賢之  
邑也王莽名之曰溥潤零陵郡治故楚矣漢武帝元  
鼎六年分桂陽置太史公曰舜葬九疑實惟零陵或  
作零郡郡取名焉王莽之九疑郡也下邳陳球為零  
陵太守桂陽賊胡蘭攻零陵激流灌城球輒於內因  
地勢反沒水淹賊相拒不能下後漢書陳球字伯真下邳人官侍御史時桂陽賊寇抄荆部以陳球為零陵太守賊虜消難而州兵朱蓋等反與桂陽賊胡蘭轉攻零陵球弦大弓烈矛為矢引機發之遠射千步多所殺傷賊復激濟灌城球於內輒反沒水淹賊會中郎將度尚將救兵至遂共斬百蓋等縣有白土鄉零陵先賢傳曰鄭產字景載

零陵人也為白土賈夫漢末多事國用不足產子一  
歲輒出口錢民多不舉子產乃勅民勿得殺子口錢  
當自代出產言其郡縣為表上言錢得除更名白土  
為更生鄉也晉書地道志曰縣有香茅氣甚芬香言  
貢之以縮酒也營水又北流注於湘水湘水又東北  
與應水合水出邵陵縣歷山崖險阻峻嶒萬尋激  
淵湛於下應水涌於上東南流逕應陽縣南晉分觀  
陽縣立蓋即應水為名也應水又東南流逕有鼻墟  
南王隱曰應陽縣本泉陽之北部東五里有鼻墟言  
象所封也山下有象廟言甚有靈能興雲雨余所聞  
也聖人之神曰靈賢人之精氣為鬼象生不慧死靈



何寄乎應水又東南流而注於湘水湘水又東北得  
**沅口**水出永昌縣北羅山東南流逕石鷲山東其山  
 有石紺而狀鷲因以名山其石或大或小若母子焉  
 及其雷風相薄則石鷲群飛鵠鵠若真鷲矣羅君章  
 云今鷲不必復飛也其水又東南逕永昌縣南又東  
 流注於湘水又東北逕祁陽縣南又有**餘谿**水注之  
 水出西北邵陵郡邵陵縣東南流注於湘其水濁揚  
 清汎濁水色兩分湘水又北與**宜谿**水合水出湘東  
 郡之新寧縣西南新平故縣東宋書州郡志云湘東  
 郡吳孫亮太平二年  
 分長沙東部都尉立晉世七縣宋孝武太元一  
 年省郡及新平但有臨蒸新寧茶陵湘陰陰山新寧  
 故新平也衆川瀉浪共成一津西北流東岸山下有

羅含湘中記

龍穴宜水逕其下天旱則擁水注之便有雨降宜水  
 又西北注於湘湘水又西北得**罨水**口水上承營陽  
 春陵縣西北潭山又北逕新寧縣東又西北流注於  
 湘水也

地理志零陵郡縣有鍾武莽曰鍾桓  
 應劭曰今重安郡國志零陵重安侯  
 國故鍾武永建三年更名崇此亦非西  
 漢人語

又東北過重安縣東又東北過**鄴縣**西**承水**從東南來  
 注之郡國志注羅含湘中記作蒸水地理志長沙國象陽應劭曰承水之陽師古承水原出零陵永昌縣  
 界東流注湘也承音蒸

**承水**出衡陽重安縣西邵陵縣界邪薑山東北流至  
 重安縣逕舜廟下廟在承水之陰又東合略塘相傳  
 云此塘中有銅神今猶時聞銅聲於水水輒變渌作  
 銅腥魚為之死承水又東北逕重安縣南漢長沙頃  
 王子虔邑也王子虔漢表作  
 鍾武節侯虔故零陵之鍾武縣王莽



夏名曰鍾桓也武水入焉水出鍾武縣西南表山東流至鍾武縣故城南而東北流至重安縣注於承水

至湘東臨承縣北漢地志承陽在承水之陽故名讀若承屬長沙國後漢志作承陽屬

零陵郡晉志宋志俱作承陽屬湘東郡東注於湘謂之承口臨承即故

鄱縣也縣即湘東郡治也郡舊治在湘水東故以名

郡魏正元二年吳主孫亮分長沙東部立縣有石鼓

高六赤湘水所逕鼓鳴則土有兵革之事羅君章云

扣之聲聞數十里此鼓今無復聲觀陽縣東有裴巖

其下有石鼓形如覆船扣之清響遠徹其類也湘水

北又歷印石石在衡水縣南江水又有盤石或大或

小臨水而石悉有跡其方如印纍然行列無文字如

此可二里許因名為印石也湘水又北逕衡山縣東

山在西南有三峰一名紫蓋一名容峰盛弘之荊州記曰衡山有

三峯極秀一名芙蓉峯最為竦傑峯上有泉飛派容

如一幅絹分映青林直注山下注名容峯似誤容

峰最為竦傑自遠望之蒼蒼隱天故羅含云望若陣

雲非清霽素朝不見其峰丹水涌其左澧泉流其在

山經謂之岫嶠山為南岳也山下有舜廟南有祝融

冢楚靈王之世山崩毀其墳得營丘九頭圖治洪水

血馬祭山得金簡玉字之書容峰之東有仙人石室

學者經過往往聞諷誦之音矣衡山東南二面臨映

湘川自長沙至此江湘七百里中有九嶷故鮫者歌

曰帆隨湘轉望衡九面羅含湘中記云衡山九疑皆

有舜廟遙望衡山如陣雲浴

地理志湘南縣禹貢衡山在東南荆山



地理志桂陽郡有陰山侯國

郡國志醴陵長沙縣  
酃注云醴陵縣高后四年封長沙相侯越為國

地理志長沙國縣有臨湘莽曰  
撫睦

湘千里九向九背乃不復見按此注所引鮫歌九面  
正與轉字相叶即羅含九向之義宋本自誤作九回  
耳

山上有飛泉下注下映青林直注山下望之若幅  
練在山矣湘水又東北逕湘南縣東又歷湘西縣南

分湘南置也衡陽郡治魏甘露二年吳孫亮分長沙

西部立治湘南太守何承天徙郡湘西矣十三州志

曰日華水出桂陽郴縣華山西至湘南縣入湘地理

志曰郴縣有來水出來山西至湘南西入湘漢地理志

來山來水所出湘水又北逕麓山東其山東臨湘川

西至湘南入湖西至湘南入湖湘水又北逕麓山東其山東臨湘川

西旁原隰息心之士多所萃焉

又東北過陰山縣西涿水從東南來注之又北過澧陵

續漢書五行志曰建安八年長沙醴陵縣有大山常

鳴如牛吼聲宋本本作積數年後豫章賊攻沒縣亭殺

掠吏民因以為候湘水又北逕建寧縣而秀湘水縣

北有空沓峽驚浪雷奔濬同三峽湘水又北逕建寧

縣故城下晉太始中立

又北過臨湘縣西瀏水從縣西北流注之

縣南有石潭山湘水逕其西山有石室石牀臨對清

流水又北逕昭山西山下有旋泉澗不可測故言昭

潭無底也亦謂之曰湘州潭湘水又北逕南津城西

西對橘洲或作吉字為南津洲尾水西有橘洲子成

疑作橘故郭尚存湘水又北左會瓦官水曰湘浦也



又逕船官西湘州商舟之所次也北對長沙郡郡在水東州城南舊治在城中後乃移此湘水左逕麓山東上有故城山北有白露水口湘浦也又右逕臨湘縣故城西縣治湘水濱臨川側故即名焉王莽改號撫陸故南境之地也秦滅楚立長沙郡即青陽之地也秦始皇二十六年荆王獻青陽以西漢書鄒陽傳曰越水長沙還舟青陽注張晏曰青陽地名也蘇林曰青陽長沙縣也漢高祖五年以封吳芮爲長沙王是城即芮築也漢景帝二年封唐姬子發爲王都此王莽之鎮蠻郡也於禹貢則荊州之域晉懷帝以永嘉元年分荊州湘中諸郡立湘州治此城之內郡廡

西陶侃廟云舊是賈誼宅地中有一井是誼所鑿極小而深上斂下大其狀似壺旁有一腳石牀纔容一人坐形流俗相承云誼宿所坐牀又有大柑樹亦云誼所植也城之西北有故市北對臨湘縣之新治縣治西北有北津城縣北有吳芮冢廣踰六十八丈登臨寫目爲塵郭之佳憩也郭頌世語云魏黃初末吳人發芮冢取木於縣立孫堅廟見芮尸容貌衣服竝如故吳平後預發冢人於壽春見南蠻校尉吳綱曰君容貌何類長沙王吳芮乎但君微短耳綱瞿然曰是先祖也自芮卒至冢發四百年至見綱又四十餘年矣湘水左合誓口又北得石榔口竝湘浦也右合



地理志長沙國益陽湘山在北應劭曰在益水之陽

麻谿水口湘浦也湘水又北逕三石山東山枕側湘川北即三石水口也湘浦水北有三石成城為二水之會也湘水又逕瀏口成西北對瀏水

又北瀉水從西南來注之

**瀉水**出益陽縣馬頭山東逕新陽縣南晉太康元年

改曰新康矣瀉水又東入臨湘縣歷瀉口成東南注

湘水湘水又北合斷口又北則下營口湘浦也湘水

又宋本左岸有高口水出益陽縣西北逕高口成南

又西北上鼻水自鼻洲上口受湘西入焉謂之上鼻

浦高水南北與下鼻浦合水自鼻洲下口首受湘川

西通高水謂之下鼻口高水又西北右屈為陵子潭

東北流注湘為陵子口湘水自高口成東又北右會

鼻洲左合上鼻口又北右對下鼻口又北得陵子口

湘水右岸銅官浦出焉湘水又北逕銅官山西臨湘

水山土紫色内含雲母故亦謂之雲母山也

又北過羅縣西瀆水從東來流注之

湘水又北逕錫口成東又北左派謂之錫水西北流

逕錫口成北又西北流屈而東北注玉水焉水出西

北玉池東南流注於錫浦謂之玉池口錫水又東北

東湖水注之水承玉池之東湖也南流於錫謂之

三陽逕水南有三成又東北注於湘湘水自錫口北

出又得望屯浦湘浦也湘水又北枝津北謂之門逕

地理志長沙國縣有羅應劭曰楚文王從羅子自枝江居此說文瀆水出豫章又縣西入湘



後以為水名非也

此可證說文無瀟字只作瀟也

也湘水紆流西北東北合門水謂之門逕口又北得  
三谿水口水東承太湖西通湘浦三水之會故得三  
谿之目耳又北東會大對水口西接三津逕湘水又  
北逕黃陵亭西合黃陵水口其水上承太湖湖水  
西流逕二妃廟南世謂之黃陵廟也言大舜之陟方  
也二妃從征溺於湘江神遊洞庭之淵出入瀟湘之  
瀟瀟者水清澗也湘中記曰湘川清照五六丈下見  
底石如樗蒲矣五色鮮明白沙如霜雪赤崖若朝霞  
是納瀟湘之名矣故民為立祠於水側焉荊州牧劉  
表刊石立碑樹之於廟以旌不朽之傳矣黃水又  
流入於湘謂之黃陵口昔王子山有異本年二十而

得惡夢作夢賦二十一溺死於湘浦即斯川矣張華博物志云王子山與父叔師到泰山從鮑子真學算到魯賦靈光殿歸渡湘水溺死王文考名延壽一字子山也南郡宜城人子山夢賦序曰臣弱冠嘗夜寢見鬼物與臣戰遂得東方朔與臣作罵鬼之書臣遂作賦一篇敘夢後人夢者讀誦以却鬼數湘水又北逕白

沙戍西又北右會東町口澗水也湘水又左合淩湖  
口水出西陂東通湘渚湘水又北汨水注之水東出  
豫章艾縣桓山西南逕吳昌縣北與純水合水源出  
其縣東南純山西北流又東逕其縣南又北逕其縣  
故城下縣是吳主孫權立純水又右會汨水汨水又

漢書注師古曰威宏之荊州記云縣北  
帶汨水三原出豫章艾縣界西流注  
湘汨水西北去縣三十里名為屈潭屈原  
自沈處

西逕羅縣北本羅子國也故在襄陽宜城縣西楚文  
王移之於北秦長沙立郡因以為郡疑作縣謂之羅水



汨水又西逕玉筍山。羅含湘中記云：屈潭之左有玉筍山，道士遺言此福地也。一曰地腳山，汨水又西為屈潭，即羅淵也。屈原懷沙自沈於此，故淵潭以屈為名。甄烈湘中記云：屈潭之左玉筍山，屈平之放樓於此山，而作九歌焉。昔賈誼史遷皆嘗逕此，弭檝江波，投弔於淵。淵北有屈原廟，廟前有碑，又有漢南太守程堅碑，寄在原廟。汨水又西逕汨羅戍，南西流注於湘。春秋之羅汨矣。世謂汨羅曰湘水，又北枝分北出，逕汨羅戍西，又北逕壘石山，東又北逕壘石戍西，謂之苟導，逕矣。而北合湘水，自汨口西北逕壘石山西，而北對青草湖，亦或謂之為青草山也。西對縣城口，湘水又北得九口，竝湘浦也。湘水

又東北為青草湖，口右會宋本有傳逕北口，與勞口合。

又北得同拌口，皆湘浦右池者也。

又北過下雋縣西，微水從東來流注之。

湘水左會水，青口資水也。世謂之益陽，沅湘水左逕

鹿角山東，右逕謹亭戍西，又北合查浦，又北得萬浦。

咸湘浦也。側湘浦北有萬石戍，湘水左則沅水注之。

謂之橫房口，東對微湖。世或謂之麋湖，日也。右屬微

水，即經所謂微水，經下雋者也。西流注於江，謂之麋

湖口也。水又北逕金浦戍，北帶金浦水，湖澁也。湘水

左則澧水注之。世謂之武陵江，凡此四水同法，澗處

北地會大江，名之五渚。戰國策曰：秦與荆戰，大破之。



取洞庭五渚也湖水廣圓五百餘里日月若出沒於其中山海經云洞庭之山帝之二女居焉沅澧之風交湘之浦出入多飄風暴雨湖中有君山編山君山有石穴潛通吳之包山郭景純所謂巴陵地道者是山湘君之所遊處故曰君山矣昔秦始皇遭風於此而問其故博士曰湘君出入則多風秦王乃赭其山漢武帝亦登之射蛟於是山東北對編山山多麓竹兩山相次去數十里迴峙相望孤影若浮湖之右岸有山世謂之笛鳥頭石石北右會翁湖口水上承翁湖左合洞浦所謂三苗之國左洞庭者也又北至巴丘山入於江

山在湘水右岸山有巴陵故城本吳之巴丘郡城也晉太康元年立巴丘縣於此後置建昌郡宋元嘉十六年立巴陵郡城跨岡嶺濱沮三江巴陵西對長洲其洲南參湘浦北對大江故曰三江也三水所會亦或謂之三江口矣夾山列關謂之射獵又北對養口咸湘浦也水色青異東北入於大江有清濁之別謂之江會也

澱水亦出陽海山

澱水與湘水出一山而分源也湘澱之間陸地廣百餘步謂之始安嶠嶠即越城嶠也嶠水自嶠之陽南流注澱名曰始安水故庾仲初之賦揚都云判五嶺

地理志零陵郡縣有零陵陽海山有澱水東南至廣信入鬱林行九十八里



而分流者也。灘水又南與瀉水合出西北邵陵縣界。而東南流至零陵縣西南，逕越城西。建安十六年，交州刺史賴恭自廣信合兵小零陵，越城迎步騭，即是地也。瀉水又東南流，注於灘水。漢書所謂出零陵下灘水者也。灘水又南合彈丸谿水，出於彈丸山。山有涌泉，奔流衝激，山巘舊本作及谿中有石若丸，自然珠圓狀彈丸矣。故山水即名焉。其有石實彈丸谿水謂東流注於灘水。灘水又南逕始興縣東，魏文帝咸熙二年，吳孫皓分零陵南部立始興縣。灘水又南右會洛谿。谿水出永豐縣西北洛谿山，東流逕其縣北。縣本蒼梧之北鄉。孫皓割以為縣，洛谿水又東南逕始安

縣而東，注灘水。灘水又東南流入熙平縣，逕羊瀨山。山臨水石間有色，類羊。又東南逕雞瀨山，山帶灘水。山石色狀雞，故二山以物象受名矣。灘水又南得熙平水口，水源出縣東龍山，西南流逕其縣南，又西與北鄉谿水合。水出縣東北北鄉山，西流逕其縣北，又西流南轉，逕其縣西。縣本始安之扶鄉也。孫皓割以為縣，谿水又南注熙平。熙平水又西注於灘水。縣南有朝夕塘，水出東山西南，塘水從山下注塘，一日再增再減，盈縮以時。未嘗愆期，同於潮水，因名此塘為朝夕塘矣。灘水又西逕平樂縣界，左合平樂谿口水。出臨賀郡之謝沐縣南，歷山西北，流逕謝沐縣西南。



地理志蒼梧郡縣有荔浦有荔平關

灘水關即荔平關矣

地理志蒼梧郡縣有廣信莽曰廣信亭  
地理志桂陽郡縣有臨武秦水東南至潯陽入潯行七百里莽曰大武

地理志桂陽郡縣有曲江莽曰除虜

西南流至平樂縣東南左會謝沐眾谿泚流湊合西  
逕平樂南孫皓割蒼梧之境立以為縣北隸始安谿  
水又西南流注於灘水謂之平水

南過蒼梧荔浦縣

瀨水出縣西北魯山之東逕其縣西與濡水合出永  
豐縣西北濡山東南逕其縣西又東南流入於荔浦  
縣注於瀨谿又注於灘水之上有灘水關灘水又南  
左合靈谿水口出臨賀富川縣北符靈岡南流逕其  
縣東又南注於灘水也

又南至廣信縣入於鬱水

溱水出桂陽臨武縣南繞城西北屈東流

溱水導源縣西南北流逕縣西而北與武谿合山海

經曰肆水出臨武西南注於海入番禺西肆水蓋溱

水之別名也武谿水出臨武縣西北桐柏山東南流

右合溱水亂流東南逕臨武縣西謂之武谿縣側臨

谿東因曰臨武縣王莽更名大武也谿之東南

流左會黃谿谿水出郴縣黃谿山西南流及

合武谿武水又南入重山山名藍豪廣圓五百里

悉曲江縣界崖壁峻阻巖嶺千天交柯雲蔚霾天晦

景謂之瀧中縣湍迴注崩浪震山名之瀧水

東至曲江縣安叢邑東屈西南流

瀧水又南出峽謂之瀧口西岸有任將軍城南海都



尉任蕃所築也。蕃死，尉他自龍川始居之。東岸有任將軍廟。瀧水又南合泠水。泠水東出泠君山，山羣峰之孤秀也。晉太元十八年崩，千餘丈。於是縣澗瀑挂，傾流注壑，頽波所入，灌於瀧水。瀧水右合林水，林水出縣東北，洄山王歆始興記曰：林水源裏有室，室前磐石上列羅十瓮，中悉是餅銀，采伐遇之，不得取，取必迷。閩晉太元初，民封驅之，家僕密竊三餅歸，發看有大虵螫之而死。湘州記曰：其夜驅之，夢神語曰：君奴不謹，盜銀三餅，即日顯戮，以銀相備。視則奴死，銀在矣。林水自源西流於瀧水，又與雲水合。水出縣北湯泉泉源，沸涌浩氣，雲浮以腥物投之，俄頃即熟。其中時有細赤魚游之，不為灼也。西北合瀧水，又有藉水上承滄海水，有島嶼焉。其水吐納眾流，西北注於瀧水。瀧水又南，歷靈鷲山，山本名虎郡。疑作山亦曰

虎市山，以虎多暴故也。晉義熙中，沙門釋僧律葺宇巖阿，猛虎遠跡，蓋律仁感所致。因改曰靈鷲山。瀧水又南，逕曲江縣東，又言縣皆號曲江。曲江山名也。東連岡是矣。瀧中有碑文曰：按地理志，曲江舊縣也。王莽以為除虜始興郡，治魏文帝咸熙二年，孫皓分桂陽南部立縣，東有瀧谿，號曰北瀧水。水左即東谿口也。水出始興東江州南康縣界石閭山，西流而與連水合。水出南康縣涼熱山，連谿山即大庾嶺也。五嶺之



最東矣故曰東嶠山斯則改襲之次其下船路名漣谿漣水南流注於東谿謂之漣庾仲初謂之大庾嶠

水也東谿亦名東江又曰始興水又西邪階水注之

水出縣東南邪階山水有別源曰巢頭重嶺衿瀧湍

奔相屬祖源一作祖源雙注合為一州水側有鼻天子城

鼻天子所未聞也山海經堯子丹朱亦自稱帝丹朱知象封有鼻亦應借稱故路史謂

鼻天子即象也邪階水又西北注於東江江水又西逕始興

縣南又西入曲江縣邸水注之水出浮嶽山山躡一

處則百餘步動若在水也因名浮嶽山南流注於東

江東江又西與利水合水出縣之韶石北山南流逕

韶石下其一作石高百仞廣圓五里兩石對峙相去一

里小大略均似雙闕名曰韶石古老言昔有二仙分

而憩之自爾年豐彌歷一紀利水又南逕靈石下靈

石一名逃石高三十丈廣圓五百丈耆舊傳言石本

桂陽武城縣兩漢地志桂陽郡但有臨武而無武城疑字誤也因夜迅雷之

變忽然遷此彼人來見歎曰石乃逃來因名逃石以

其有靈運徙又曰靈石其傑處臨江壁立霞駭有若

續焉水石驚瀨傳響不絕商舟淹留聆翫不已利水

南注東江東江又西注於北江謂之東江口溱水自

此有始興大瘞之名而南入滇陽縣也

過滇陽縣出淮浦關與桂水合漢地理志滇陽縣屬桂陽郡

溱水南逕滇陽縣西舊蓋縣也王莽之基武矣縣東

地理志桂陽郡縣有滇陽莽曰基武  
漢書中宿縣有溱浦關



有滇石山廣圓三十里挺嶠大江之北盤阻長川之  
際其陽有石室黓叟所憩昔欲於山北開達郡之路

輒有大蛇斷道不果是以今行者宋本舊本俱作今者吳本增一行字

必於石室前汎舟而濟也溱水又西南歷臯口太尉

二山之間是曰滇陽峽兩岸傑秀壁立虧天昔嘗鑿

石架閣合兩岸相接以拒徐道覆溱水出峽左則滇

水注之水出南海龍川縣西逕滇陽縣南右注溱水

故應劭曰滇水西入溱是也溱水又西南淮水入焉

淮水一作淮水漢志南海郡中宿縣有淮浦山海經所謂湟水出桂陽西

北山東南注肆入郭浦西者也溱水又西南逕中宿縣

會一里水其處隘名之為觀岐連山交枕絕崖一作崖

壁竦下有神廟背阿面流壇宇虛肅廟渚攢石巉巖

亂峙中外時水洊至鼓怒沸騰流木淪沒必無出者

世人以為河伯下林當作材晉中朝時縣人有使者至

洛事訖將還忽有一人寄其書云吾家在觀前石間

縣藤即其處也但扣藤自當有人取之使者謹依其

言果有二人出外取書并延入水府衣不沾濡言此

似不近情然造化之中無所不有穆滿西遊與河宗

論寶以此推之亦為類矣溱水又西南逕中宿縣南

吳孫皓分四會之北鄉立焉

南入於海

溱水又南注於鬱而入於海



水經卷三十

水經卷三十九

漢桑欽撰

後魏酈道元注

漚水

澗水

鍾水

耒水

涿水

澗水

澗水

澗水

贛水

廬水

漚水出桂陽縣盧聚

水出桂陽縣西北上驛山盧谿為盧谿水東南流逕

桂陽縣故城謂之漚水地理志曰漚水出桂陽南至

四會是也漚水又東南流出桂陽南至四會是嶠之

谿谿水下流歷峽南出是峽謂之貞女峽峽西岸高

巖名貞女山山下際有石如人形高七尺狀如女子

地理志桂陽郡有桂陽縣廬水南至四會入鬱林過郡二行九百里



戴君曰眾枝飛散以下并誤未詳

故名貞女峽古來相傳有數女取羸於此遇風雨晝  
晦忽化為石斯誠巨異難以聞信但啓生石中摯咏  
空桑抑斯類矣物之變化寧以理求乎

盃山氏治鴻水通輟轉山化為熊盃山氏見之慙而  
去至嵩高山下化為石禹曰歸我子石破北方而生  
啓呂覽云有佚氏女子採桑得  
嬰兒於空桑之中命曰伊尹谿水又合涯水涯水

又東南入陽山縣右合連口水源出縣西北一百一  
十里石塘邨邨南之流水側有豫章木本徑可二丈其

株根猶存伐之積載而斧迹若新羽族飛翔不息其  
旁眾枝飛散遠集鄉亦不測所如唯見一枝獨在含

涯水矣連水東南流注於涯涯水又東南流而與  
斟水合水導源近出東巖下穴口若井一日之中十

溢十竭信若潮流而注涯水涯水又南徑漢志桂陽  
郡有含涯

縣南逕下疑縣故城西者舊傳曰往昔縣長臨縣輒  
遷擢超級太史逕觀言摯摯字似誤  
當作城勢使然掘斷連岡

流血成川城因傾陔遂即傾敗閣下大鼓飛上臨武  
乃之桂陽追號聖鼓自陽山達乎桂陽之武步驛所

至循聖鼓道也其道如塹迄於鼓城矣涯水又逕陽  
山縣南縣故含涯縣之桃鄉孫皓分立為縣也涯水

又南東流也  
東南過含涯縣

應劭曰涯水東北入沅瓚注漢書沅在武陵去涯遠  
又隔湘水不得入沅涯水東南左合翁水水出東北

地理志桂陽郡縣有含涯



堯山

利山湖湖水廣圓五里潔踰凡水西南流注於漚謂之翁水口口已下東岸有聖鼓枝即陽山之鼓枝也橫在川側雖衝波所激未嘗移動百鳥翔鳴莫有萃者船人上下以篙撞當作者輒有瘡疾漚水又東南左合陶水東出堯山山盤紆數百里有赭巖迭起冠以青林與雲霞亂采山上有白石英山下有平陵有大堂基者舊云堯行宮所陶水西逕縣北右注漚水漚水又逕合漚縣西王歆始興記曰縣有白鹿城城南有白鹿岡咸康中郡民張魴為縣有善政白鹿來游故城及岡並即名焉

南出漚浦關為桂水

案此與鍾水注內之桂水同名而南北異流

〇〇今作漚

地理志桂陽郡縣有桂陽

關在中宿縣漚水出關右合漆水謂之漚口山海經謂之湟水徐廣曰湟水一名漚水出桂陽通四會亦曰漚水也漢武帝元鼎元年路博德為伏波將軍征南越出桂陽下湟水即此水矣桂水其別名也

淡水出桂陽盧聚

呂忱云淡水一名濼水導源盧谿西入營水亂流營波同注湘津許慎云淡水出桂陽南平縣也經書桂陽者縣也本隸桂陽郡後割屬始興縣有盧谿盧聚山在南平縣之南九疑山東也

西北過零陵營道縣南又西北過營浦縣南又西北過泉陵縣西北七里至燕室邪入於湘

地理志零陵郡縣有營道九疑山南莽曰九疑亭又有營浦又有泉陵



地理志桂陽郡縣有南平

水上有燕室丘亦因為聚名也其下水深不測號曰龍淵

鍾水出桂陽南平縣都山北過其縣東又東北過宋渚亭又北過鍾亭與灘水合

都山即都龐之嶠也五嶺之第三嶺也鍾水即嶠水也庾仲初曰嶠水南入始興灘水注於海北入桂陽湘水注於江是也灘水即桂水也灘桂聲相近故字隨讀變經仍其非矣桂水出桂陽縣北界山山壁高聳三面特峻石泉縣注瀑布而下北逕南平縣而東北流屈鍾亭右會鍾水通為桂水也故應劭曰桂水出桂陽東北入湘

後漢桂陽郡有漢寧

又北過魏寧縣之東又東北入於湘

魏寧故陽安也晉太康元年改曰晉寧縣在桂陽郡東一百二十里縣南西二面阻帶清谿桂水無出縣東理蓋縣邑流移今古不同故也

耒水出桂陽郴縣南山

地理志桂陽郡縣有耒耒水所出西至湘南入湖項刊所立義帝都此芥曰宜風

耒水發源出汝城縣東烏龍白騎山西北流逕其縣北西流三十里中有十四瀨各數百步濬流奔急竹節相次亦為行旅滯涉之艱難也又西北逕晉寧縣北又西左合清谿水口水出縣東黃皮山西南流歷縣南又西北注於耒水汝縣在郡東三百里餘山又在縣東耒水無出南山理也



又北過其縣之西

縣有綠水出縣東侯公山西北流而南屈注於耒謂之程鄉谿郡置酒官醞於山下名曰程酒獻同鄗也耒水又西黃水注之水出縣西黃岑山山則騎田之嶠五嶺之第二嶺也黃水東北流按盛弘之云衆山水出注於大谿號曰橫流谿谿水甚小冬夏不乾俗亦謂之爲貪泉飲者輒冒於財賄同於廣州石門貪流矣廉介爲二千石則不飲之昔吳隱之挹而不辭貪豈謂能渝其真乎蓋亦惡其名也劉澂之謂爲一涯谿通四會殊爲孟浪而不悉也庾仲初云嶠水南入始興濠水注海即黃岑水入武谿者也北水入桂

陽湘水注於大江即是水也又側千秋水注之水西南萬歲山山有石室室中有鍾乳山上悉生靈壽木谿下即千秋水也水側民居號萬歲邨其水下合黃水黃水又東北逕其縣東右合除泉水水出縣南湘陂邨邨有圓水廣圓可二百步一邊暖一邊冷冷處極清綠淺則見石溪則見底煖處水白且濁玄素旣殊涼煖亦異厥名除泉其猶江乘之半湯泉也水盛則瀉黃谿水耗則津徑輟流柳舊縣也桂陽郡治也漢高帝二年分長沙置地理志曰桂水所出因以名也王莽夏名南平縣曰宣風項羽遷義帝所築也縣南有義帝冢內有白虎因呼爲白虎郡東觀漢記



曰茨无字子何為桂陽太守民惰懶少鹿田作履足

多剖裂茨教作履今江南知織履皆无之教也齊民

云茨无為桂陽令俗不種桑無蠶織絲麻之利類皆

以麻象頭野衣民惰麻少麓履足多剖裂血出盛冬

皆焚燎炙充教民益種桑柘養蠶織

履復令種苧麻數年之間大賴其利

黃谿東有馬嶺

山高六百餘丈廣圓四十許里漢末有郡民蘇耽栖

遊此山桂陽列仙傳云耽柳縣人少孤養母至孝言

語虛無時人謂之癡常與眾兒共牧牛愛直為師錄

牛無散每至耽為師牛輒裴裏左右不逐自還眾兒

曰汝直牛何道不走邪耽曰非汝曹所知即面辭母

云受性應仙當違供養涕泗又讎年將大疫死者略

半穿二井飲水可得無恙如有哭聲甚哀後見耽

乘白馬還此山中百姓為立壇祠民安歲登民因名

為馬嶺山無恙以下有缺文今按洞神傳云耽初去

無恙果如所言闔門元吉母年百餘歲終鄉人共葬

之聞山上有人哭聲服除乃止神仙傳云耽母既終

葬後州東北牛脾山紫雲蓋上有號哭聲知蘇君之

神也因見白馬常在嶺上遂改牛脾山為白馬嶺

黃水又北流注於耒水謂之柳口耒水又西逕華山

之陰亦曰華石山孤峰特聳枕帶雙流東則黃谿耒

水之交會也耒水東流沿注不得北過其縣西也兩

地里志桂陽郡縣有便菴曰便屏

又北過便縣之西

縣故惠帝封長沙王子吳淺為侯國王葬之便屏也

縣界有溫泉水在柳縣之西北左右有田數千畝資



地理志桂陽郡縣有耒陽漚水云

之以漚常以十二月下種明年三月穀熟度此水冷不能生苗溫水所漚年可三登其餘波散流入於耒水也

又西北過耒陽縣之東

耒陽舊縣也蓋因水以制名王莽更名南平亭東有耒水水東肥南有郡故城縣有纒水東出侯計山其水清澈冬溫夏冷西流謂之肥州川之北石盧塘塘池八頃其深不測有大魚常至五月輒一奮躍水涌數丈波襄四陸細魚奔迸隨水登岸不可勝計又云大魚將欲鼓作諸魚皆浮聚水側注西北逕蔡洲洲西即蔡倫故宅旁有蔡子池倫漢黃門郎順帝之世

擣故魚網為紙用代簡素自其始也

又北過酃縣東

縣有酃湖湖中有洲洲上民居彼人資以給釀酒甚醇美謂之酃酒歲常貢之湖邊尚有酃縣故治此西北去臨承縣一十五里從省隸十三州志曰大別水南出耒陽縣太山北至酃縣入湖也

北入於湘

耒水西北至臨承縣而右注湘水謂之耒口也

深水出茶陵縣上鄉西北過其縣西

水出江州安城郡廣興縣太平山西北流逕茶陵縣之南漢武帝元朔四年封長沙定王子節侯所之邑

地理志長沙國縣有酃

此即春水矣

地理志長沙國縣有茶陵澗水西入湘行七百里春曰聲鄉



也王莽受名聲鄉矣洙水又屈而過其縣西北流注也地理志謂之泥水者也

又西北過攸縣南

攸水出東南安城郡安復縣封侯山西北流逕其縣北縣北帶攸谿蓋即谿以名縣也漢武帝元朔四年封長沙定王子則為攸興侯即地理志所謂攸縣者也攸水又西南流入茶陵縣入於洙水也

又西北過陰山縣南

縣本陽山縣也縣東北猶有陽山故城即長沙孝王子宗之邑也言其勢王故塹山堙谷改曰陰山縣縣上有容水自侯曇山下注洙水謂之容口洙水又西

水有大穴十六字移在謂之谷口之下

地理志桂陽郡縣有陰山侯國

北逕其縣東又西逕歷口縣有歷水水有大穴容一百石出於此水因以名回容水下注洙水謂之歷口洙水又西北與洋湖水會水出縣西北樂藪置下洋湖湖去置七里湖水下注洙謂之洋湖口洙水東北有義山縣東北又有武陽龍尾山竝仙者羽化之處上有仙人及龍馬跡於其處得遺詠雖神栖白雲屬想芳流藉念泉鄉遺味在茲覽其餘誦依然息遠匪直邈想霞蹤愛其文詠可念故端牘抽札以詮其詠其略曰登武陽觀樂藪義嶺千蕤洋湖口命蜚螭駕白駒臨天水心跡躋千載後不知如蓋勝賞神鄉秀情超拔矣



又西北入於湘

漉水出醴陵縣東漉山西過其縣南

醴陵縣高后四年封長沙相侯越為國縣南臨淶水

水東出安城鄉翁陵山余謂漉淶相迤後人藉便以

淶為稱雖翁陵名異而即麓是同

屈從縣西西北流至漉浦注入於湘

瀏水出臨湘縣東南瀏陽縣西北過其縣東北與潯谿

水合

瀏水出縣東江州豫章縣首裨山導源西北流逕其

縣南縣馮谿以即名也又西北注於臨湘縣也

西入於湘

潯水出豫章艾縣

春秋左氏傳曰吳公子慶忌諫夫差不納居於艾是

也王莽更名治翰

西過長沙羅縣西

羅子自枝江徙此世猶謂之為羅侯潯水又西流積

而為陂謂之町湖也

又西累石山入於湘水

累石山在北亦謂之五木山山方尖如五木狀故俗

人藉以名之

五木者樗蒲之戲也李翱五木經云樗蒲五木玄白判厥二作雉背雉作牛注

云樗蒲古戲其投有五以木為之故呼五木

山在羅口北潯水又在羅水

南流注於湘謂之東町口者也



地理志豫章郡縣有南極又有贛  
豫章水出西南入江

贛水出豫章南野縣西北過贛縣東

山海經曰贛水出聶都山東北流注於江入彭澤西

也班固稱南野縣彭水所發東入湖漢水庾仲初謂

大庾嶠水北入豫章注於江者也地理志曰豫章水

出贛縣西南而北入江蓋控引衆流總成一川雖稱

謂有殊言歸一水矣故後漢郡國志曰贛有豫章水

雷次宗云似因此水為其地名雖十川均流而此源

最遠故獨受名焉十川者贛廬  
是為十比  
淦盱濁餘鄱僚循

於贛水諸本  
作北源誤劉澂之曰縣東南有章水西有貢水西

是為謬也縣治二水之間二水合贛字因以名縣焉

劉氏專以字說水而不知遠失其水實矣豫章水道

源東北流逕南野縣北贛川石阻水急行難傾波委

注六十餘里逕贛縣東縣即南康郡治晉太康五年

分廬江立豫章水右會湖漢水水出雩都縣導源西

北流逕金雞石其石孤竦臨水耆老云時見金雞出

於石上故石取名焉湖漢水又西北逕贛縣東西入

豫章水也

又西北過廬陵縣西

廬陵縣即王莽之桓亭也十三州志曰稱廬水西出

長沙安復縣安復當作安成漢地志長沙安  
武帝元

光六年封長沙定王子劉蒼為侯國即王莽之用成

也吳寶鼎中立以為安城郡東至廬陵入湖漢水也

地理志豫章郡縣有廬陵莽曰  
桓亭



又東北過石陽縣西

漢和帝永平九年分廬陵立漢獻帝初平二年

吳長沙桓王立廬陵郡治此豫章水又逕其郡南城

中有井其水色半清半黃黃者如灰汁取作飲粥悉

皆金色而甚芬香異物志云廬陵城中有一井中有

糜粥皆作金色土人名灰汁為金因名為金井

又東北過潯平縣南又東北過新淦縣西

率水西逕宋本宜春縣漢武帝元光六年封長沙定

王子劉成為侯國王莽之循曉也牽水又東逕吳平

縣舊漢平也晉太康元年改為吳平矣牽水又東逕

新淦縣即王莽之偶亭而注於豫章水湖漢及贛水

通稱也又淦水出其縣下注於贛水

又北過南昌縣西

盱水出南城縣西北流逕南昌縣南西注贛水又有

濁水注之南宮常作南城按漢志南城縣注盱水西

至南昌入湖漢水出康樂縣故陽樂也濁水又東逕望蔡縣

縣因汝南上蔡民莽居此土晉太康元年改為望蔡

縣濁水又東逕建成縣漢武帝元光四年封長沙定

王子劉拾為侯國王莽更名之曰多聚也縣出燧石

異物志曰石色黃白而理疎以水灌之便熱以鼎著

其上炊足以熟置之則冷灌之則熱如此無窮元康

中雷孔章入洛齋石以示張公張公曰此謂然石於

地理志豫章郡縣有新淦都尉治莽曰偶亭云

地理志豫章郡縣有南昌莽曰宜善

地理志作蜀水



是乃知其名濁水又東至南昌縣東流入於贛水贛水又歷白沙西有徐孺子墓吳嘉禾中太守長沙徐熙於墓隧種松太守南陽謝景於墓側立碑永安中太守梁郡夏侯嵩於碑旁立思賢亭松大合抱亭世修治至今謂之聘君亭也贛水又北歷南塘塘之東有孺子宅際湖南小洲上孺子名穉南昌人高尚不仕太尉黃瓊辟不就桓帝問尚書令陳蕃徐穉袁閔誰為先後蕃答稱袁生公族不鏤自雕至於徐穉傑出薄域故宜為先桓帝備禮徵之不至太原郭林宗有母憂穉往弔之置生芻於廬前而去衆不知其故林宗曰必孺子也詩云生芻一束其人如玉吾無德

以堪之年七十二卒贛水又逕谷鹿州舊作大編處

北堂書鈔云豫章城西南有舸臯洲去度支步可二里是呂蒙作向鹿大編處以此谷鹿洲即向鹿之譌

也廣雅舸臯贛水又北逕南昌縣城西於春秋屬楚

即令尹子蕩師於豫章者也秦以為廬江南部漢高

祖六年始命灌嬰以為豫章郡治此即灌嬰所築也

王莽更名縣曰宜善郡曰九江焉劉歆云湖漢等九

水入彭蠡故言九江矣陳蕃為太守署徐穉為功曹

蕃在郡不接賓客唯穉來特設一榻去則縣之此即

縣榻處也建安中更名西安晉又名為豫章城之南

門曰松陽門門內有樟樹高七丈五尺大二十五圍

枝葉扶疎垂蔭數畝應劭漢官儀曰豫章穉樹生庭



中故以名郡矣此樹嘗中枯逮晉永嘉中一旦夏茂  
 豐蔚如初咸以為中宗之祥也禮斗威儀曰君政訟  
 平豫章常為生太興中元皇果興大業於南故郭景  
 純南郊賦云夔樟擢秀於祖邑是也以宣王祖為豫  
 章故也贛水北出際西北歷度支步是晉度支掾尉  
 立府處步即水渚也贛水又逕郡北為津步步有故  
 守賈萌廟萌與安侯張普爭地為普所害即日靈見  
 津渚故民為立廟焉太平御覽引安成記云賈萌為  
 豫章太守與安成侯張普爭境  
 戰於新茨之野為普所害謝承漢書云賈萌為  
 豫章太守王莽篡漢舉兵誅莽不克而死水之西  
 岸有盤石謂之石頭津步之處也西行二十里曰散  
 原山二十七卷內有云勢同厭  
 原風雨之池此當作厭壘障四周杳邃有趣

晉隆安末沙門竺曇顯建精舍於山南僧徒自遠而  
 至者相繼焉西北五六里有洪井飛流縣注其淡無  
 底舊說洪崖先生之井也北五六里有風雨池言山  
 高瀨激激著樹木樹木宋本無  
 此二字霏散遠灑若雨御覽  
 引豫  
章記云去洪井六七里有風雨池山橋  
 水出激著樹木星散遠灑如風雨焉西有鸞岡洪  
 崖先生乘鸞所憩泊也岡西有鵠嶺云王子喬控鶴  
 所逕過也有二崖作峯  
 似當號曰大蕭小蕭言蕭史所遊  
 萃處也雷次宗云此乃繫風捕影之論據實本所未  
 辨聊記奇聞以廣井魚之聽矣又按謝莊詩莊嘗遊  
 豫章觀井賦詩言鸞岡四周有水謂之鸞陂似非虛  
 論矣東太湖十里二百二十六步北與城齊南緣迴



折至南塘本通東江增減與江水同漢永元中太守張躬築塘以通南路兼遏此水冬夏不增減水至清涑魚甚肥美每於夏月江水溢塘而過民居多被水害至宋景平元年太守祭君西起隄開塘為水門水盛則閉之內多則洩之自是居民少患矣贛水又東北逕王步步側有城云是孫奮為齊王鎮此城之渚今謂之王步蓋齊王之渚步也郡東南二十餘里又有一城號曰齊王城築道相通蓋其離宮也贛水又北逕南昌左尉廨西漢成帝時九江梅福為南昌尉居此後福一旦捨妻子去九江傳云得仙贛水又北逕龍沙西沙甚潔白高峻而陔有龍形連亘五里中

舊俗九月九日升高處也昔有人於此沙得故冢刻塼題云西去江七里半筮言其吉卦言其凶而今此冢垂沒於水所謂筮短龜長也贛水又逕椒丘城下建安四年孫策所築也贛水又歷釣圻邸閣下度支校尉治太尉陶侃移置此也舊夏月邸閣前洲沒去浦遠景平元年校尉豫章因運出之力於渚次聚石為洲長六十餘丈洲裏可容數十舫贛水又北逕鄒陽縣王莽之豫章縣也餘水注之水東出餘汗縣王莽名之曰治干也餘水北至鄒陽縣注贛水贛水又與鄱水合水出鄱陽縣東西逕其縣南武陽鄉也地有黃金可采王莽改曰鄉亭孫權以建安十五年分



地理志豫章郡縣有彭澤魯  
彭蠡澤在西

又北過彭澤縣西

為鄱陽郡水又西流注於贛又有繚水入焉其水導  
源建昌縣漢元帝永光二年分海昏立繚水東逕新  
吳縣漢中平中立繚水又逕海昏縣王莽更名宜生  
謂之上繚水又謂之海昏江分為二水縣東津上有  
亭為濟渡之要其水東北逕昌邑而東出豫章大江  
謂之慨口昔漢昌邑王之封海昏也每乘流東望輒  
憤慨而還世因名焉其一水枝分別注入於循水也

循水出艾縣西東北逕豫章寧縣故西安也

漢地理志豫章

艾縣有修水東北入湖此注作循誤也

晉太康元年更從今名循水又

東北逕永循縣漢靈帝中平二年立循水又東北注

贛水其水總納十川同臻一瀆俱注於彭蠡也

北入於江

大江南贛水總納洪流東西四十里而清潭遠漲綠

波凝淨而會注於江川

廬江水出三天子都北過彭澤縣西北入於江

山海經三天子都一曰天子鄣王彪之廬江賦敘曰

廬山彭澤之山也雖非五岳之數穹窿嵯峨實峻極

之名山也孫放廬山賦曰尋陽郡南有廬山九江之

嶺也臨彭蠡之澤宋本按平敞之原山圖曰山四方

周四百餘里疊鄣之巖萬仞懷靈抱異苞諸仙迹豫

章舊志曰廬俗字君孝本性匡父東野王共鄱陽令

地理志廬江郡廬江出陵陽東南北  
入江豫章郡縣有彭澤



吳芮佐漢定天下而亡漢封俗於鄢陽曰越廬君俗兄弟七人皆好道術遂寓精於閩庭之山故世謂之

廬山漢武帝南巡觀山以為神靈封俗大明公御覽

注云遂寓精於宮庭之山漢武帝南巡此山親觀神靈封俗大明公遠法師廬山記

曰殷周之際匡俗先生受道仙人共遊此山時人謂

其所止為神仙之廬因以名山矣又按周景式曰廬

山匡俗字子孝本東里子出周武王時生而神靈屢

逃徵聘廬於此山時人敬事之俗後仙化空廬猶存

弟子觀室悲哀哭之旦暮同為號世稱廬君故山取

號焉斯耳傳之談非實證也故豫章記以廬為姓因

廬以氏周氏遠師或託廬墓為辭假馮虛以託稱二

證既違三情互爽按山海經創志大禹記錄遠矣故

海內東經曰廬江出三天子都入江彭澤西是曰廬

江之名山水相依互舉殊稱明不因匡俗始正是好

事君子強引此類用成章句耳又按張華博物志曹

著傳其神自云姓徐受封廬山後吳猛經過山神迎

猛猛語曰君王此山近六百年符命已盡不宜久居

非據猛又贈詩云仰矚列仙館俯察王神宅曠載暢

幽懷傾蓋付三益此乃神道之事亦有換轉理難詳

矣吳猛隱山得道者也尋陽記曰廬山上有三石梁

長數十丈廣不盈尺窅然無底吳猛將弟子登山過

此梁見一翁坐桂樹下以玉杯承甘露漿與猛又至



一處見數人為猛設玉膏猛弟子竊一寶欲以來示  
 世人梁即化如指猛使送寶還手牽弟子令閉眼相  
 引而過其山川明淨風澤清曠氣爽節和土沃民逸  
 嘉遯之士繼響窟巖龍潛鳳采之賢往者忘歸矣秦  
 始皇漢武帝及太史公司馬遷咸升其巖望九江而  
 眺鍾彭焉廬山之北有石門水水出嶺端有雙石高  
 聳其狀若門因有石門之目焉水導雙石之中懸流  
 飛瀑御覽引近三百許步下散漫千數步上望之連  
 天若曳飛練於霄中矣下有磐石可坐數十人冠軍  
 將軍劉敬宣每登陟焉其水歷澗逕龍泉精舍南太  
 元中沙門釋慧遠所建也其水下入江南嶺即彭蠡

澤西天子郭也峯磴險峻人跡罕及

石門在精

卓關三泉 寸餘里一名障山甚連大嶺

於自然故 為名此雖廬山之一隅實斯地之奇

觀皆傳之於舊俗而未觀者眾將由縣瀨險峻人獸

阻絕逕迴曲阜路 嶺南有大道順山而下有若畫焉

傳云匡先生所通舊本作通至江道巖上有宮殿故基者

三以次而上最上者極於山峰山下又有神廟號曰

宮亭廟故彭湖亦有宮亭之稱焉余按爾雅云大山

曰宮宮之為名蓋起於此不必一由三宮也山廟甚

神能分風擘流住舟遣使行旅之人過必敬祀而後

得去故曹毗詠云分風為貳擘流為兩昔吳郡太守

張公直自守徵還道由廬山子女觀祠婢指女戲妃

此亦可備異說



象人其妻夜夢致聘怖而遽發明引中流而船不行  
合船驚懼曰愛一女而合門受福也公直不忍遂令  
妻下女於江其妻布席水上以其亡兄女代之而船  
得進公直方知兄女怒妻曰吾何面於當世也復下  
已女於水中將渡遙見二女於岸側旁有一吏立曰  
吾廬君主簿敬君之義悉還二女故干寶書之於感  
應焉山東有石鏡照水之所出有一圓石縣崖明淨  
照見人形晨光初曦則延曜入石豪細必察故名石  
鏡焉又有二泉常縣注如白雲帶山廬山記曰白水  
在黃龍南即瀑布也水出山腹挂流三四百丈飛湍  
林表望若懸素注處悉巨井其深不測其水下入江  
淵廬山之南有上霄石高壁緬然與霄漢連接秦始皇  
三十二年歎斯岳遠遂記爲上霄焉上霄之南大  
禹刻石誌其丈尺里數今猶得刻石之號焉湖中有  
落星石周迴百餘步高五丈上生竹木傳曰有星墜  
此因以名焉又有孤石介立大湖中周迴一里竦立  
百丈轟然高峻特爲瓌異上生林木而飛禽罕集言  
其上有玉膏可采所未詳也耆舊云昔禹治洪水至  
此刻石紀功或言秦始皇所勒然歲月已久莫能辨  
之也



水經卷三十九

水經卷四十

漢桑欽撰

後魏酈道元注

漸江水

斤江水

江以南至日南郡二十水  
禹貢山水澤地所在

地理志丹陽郡縣有黟浙江水出  
南蠻夷中東入海成帝鴻嘉三年  
為廣德王國莽曰想虜

漸江水出三天子都

山海經謂之浙江也地理志云水出丹陽黟縣南蠻

中北逕其縣南有博山山上有石特起十丈上峰若

劍杪時有靈鼓潛發寔長舊本作正長臨縣以山鼓為候

一鳴官長一年若長雷發聲則官長不廢當作不反浙江

又北歷黟山縣居山之陽故縣氏之漢成帝鴻嘉二

年以為廣德國封孫雲客王於此晉太康中以為廣

德縣分隸宣城郡會稽陳業潔身清行遯跡此山孔

此是經目  
刊作三行



會稽志云陳業上虞人為會稽太守潔身清行志懷霜雪貞亮之信同操柳下遭漢中微委官棄祿遯跡 黜以求其志高 遯妙蹤天下所聞浙江又北逕歙縣東與一小谿合

水出縣東北翁山西逕故城南又西南入浙江又東

逕遂安縣南谿廣二百步上立杭以相通水甚清溪

潭不掩鱗故名新安分歙縣立之晉太康中又改從

今名浙江又左合絕谿谿水出始新縣西東逕縣故

城南為東西長谿谿有四十瀨濬流驚急奔波聒

天孫權使賀齊討黠歙山賊賊固黠之林歷山山甚

峻絕又工禁五兵齊以鐵棧椽山升出不意又以白

楛擊之氣禁不行遂用奇功平賊抱朴子云賀將軍

禁者每交戰刀劍不得拔弓弩還自向賀曰吾聞金

有刃者可禁蟲有毒者可禁不能禁無刃物矣乃多

登捉楛辜賊賊不知備所殺萬計於是立始新之尉

宋本作於歙之華鄉令齊守之後移出新亭晉太康

元年改曰新安郡谿水東注浙江浙江又東北逕建

德縣南縣北有烏山山下有廟廟在縣東七里廟渚

有大石高十丈常作丈五尺宋本圍水瀨濬激而能致

雲雨浙江又東逕壽昌縣南自建德至此八十里中

有十二瀨瀨皆峻險行旅所難縣南有孝子夏先墓

先少喪二親負土成墓數年不勝卒浙江水又北逕

新城縣桐谿注之水出吳興郡於潛縣北天目山山

極高峻崖嶺竦壘西臨後澗山上有霜木皆是數百

年樹謂之翔鳳林東面有瀑布下注數畝溪名曰



龍池池水南流逕縣西為縣之西谿谿水又東南與紫谿合水出縣西百丈山即潛山也山水東南流名為紫谿中道挾水有紫色磐石石長百餘丈望之如朝霞又名此水為赤瀨蓋以倒影在水故也紫谿又東南流逕白山之陰山甚峻極北臨紫谿又東南連山挾水兩峰交峙反項對石往往相捍十餘里中積石磊砢相挾而上澗下白沙細石狀若霜雪水木相映泉石爭暉名曰樓林紫谿東南流逕桐廬縣東為桐谿孫權藉谿之名以為縣目割富春之地立桐廬縣自縣至於潛凡十有六瀨第二是嚴陵瀨瀨帶山山下有石室漢光武帝時嚴子陵之所居也故山

及瀨皆即人姓名之山下有磐石周迴十數丈交枕潭際蓋陵所遊也桐廬谿又東北逕新城縣入浙江縣故富春也孫權省并桐廬咸和元年復立為縣浙江又東北入富陽縣故富春也晉后名春改曰富陽也東分為湖浦浙江又東北逕富春縣南縣故王莽之誅歲也江南有山孫武皇之先所葬也漢末墓上有光如雲氣屬天黃武四年孫權以富春為東安郡分置諸縣以討士宗吳志云黃武五年秋分三郡惡地十縣置東安郡治富春以全琮為太守平討山越又全琮傳云是時丹陽吳會山民復為寇賊攻沒屬縣權分三郡險地為東安郡琮領太守招誘降附數年中得萬餘人此云以討士宗疑是字誤

浙江又東北逕亭山西山上有孫權父冢



北過餘杭東入於海

浙江逕縣左合餘干疑作餘杭大谿江北即臨安縣界水

北對郭文宅宅旁山面谿宅東有郭文墓晉建武元

年驃騎王導迎文置之西園文逃此而終臨安令改

葬之晉書郭文字文舉河內軹人少愛山水尚嘉遯鹿裘葛巾區種菽麥採竹葉木實買鹽以自供

王導聞其名出其一且逃歸臨安後以病卒建武十六年縣民

郎雅亂賀齊討之孫權分餘杭立臨水縣晉改曰臨

安縣因岡為城南門尤高謝安蒞郡遊縣逕此門以

為難為亭長浙江又東逕餘杭故縣南新縣北秦始

皇南遊會稽途出是地因立為縣王莽之進睦也漢

末陳渾移築南城縣後谿南大塘即渾立以防也

縣南有三碑是顧颺范甯等碑縣南有大壁山水

山郭文自陸渾遷居也浙江又東逕烏傷縣北王莽

改曰烏率郡國志謂之烏傷異苑曰東陽顏烏以淳

孝著聞後有羣烏銜鼓集顏烏所居之邨烏口皆傷

一境以為顏烏至孝故致慈烏欲令孝聲遠聞又名

其縣為烏傷矣浙江又東北流至錢唐縣穀水入焉

水源西出太末縣縣是越之西鄙姑蔑之地也秦以

為縣王莽之末治吳本也吳寶鼎中分會稽立東陽

郡穀水東逕獨松故冢下冢為水毀其塼文筮言吉

龜言凶百年墮水中今則同龜絲矣穀水又東逕長

山縣南與永康水合縣西東陽郡治也縣漢獻

末理即末治避唐諱耳

今漢書亦作進睦戴君曰當為淮

安



帝分烏傷立郡吳寶鼎中分會稽置城居山之陽或謂之長仙縣也言赤松采藥此山因而居之故以爲名後傳呼乖謬字亦因改谿水南出永康縣縣赤烏中分烏傷上浦立劉敬叔異苑曰孫權時永康縣有人入山遇一大龜即束之以歸龜僂言曰游不量時爲君所得擔者怪之載出欲上吳王夜宿越里攬船於大桑樹宵中樹忽呼龜曰元緒奚事爾也龜曰行不擇日今方見烹雖盡南山之樵不能潰我樹曰諸葛元遜識性淵長必致相困令求如我之從計將安治龜曰子明無多辭旣至建業權將煮之燒柴萬車龜猶如故諸葛恪曰災以老桑乃孰獻人仍說龜言

權使伐桑取煮之即爛故野人呼龜曰元緒其水飛湍北注至縣南門入穀水穀水又東定陽谿水注之上承信安縣之蘇姥布縣本新安縣晉武帝太康三年改曰信安水縣百餘丈瀨勢飛注狀如瀑布瀨邊有如石牒牒上有石牒長三尺許有似雜采帖也東陽記云信安縣有縣室阪晉中朝時有民王質伐木至石室中見童子四人彈琴而歌質因留倚柯聽之童子以一物如棗核與質質含之僂不復飢俄頃童子曰其歸承聲而去斧柯濯然爛盡旣歸質去家已數十年親情凋落無復向時比矣其水分納衆流混波東逝逕定陽縣夾岸緣谿悉生支竹及芳枳木連



雜以霜菊金橙白沙細石狀如凝雪石溜湍波浮響  
無輟山水之趣尤深人情縣漢獻帝分信安立谿亦  
取名焉谿水又逶迤長山縣北北對高山山下水際  
是赤松羽化之處也炎帝少女追之亦俱仙矣後人  
立廟於山下列仙傳云赤松子神農時雨師也服水  
石室中隨風雨上下炎帝  
少女追之亦得仙俱去谿水又東入於穀水又東  
逕烏傷縣之雲黃山山下臨谿水水際石壁傑立高  
一百許丈又與吳寧谿水合水出吳寧縣下逕烏傷  
縣入穀謂之烏傷谿水閩中有徐登者女子化為丈  
夫與東陽趙昞竝善越方謂越方即封禪書所  
謂越巫越祝者也時遭兵  
亂相遇於谿各示所能登先禁谿水為不流昞次禁

枯柳柳為生萋二人相示而笑登年長昞師事之後  
登身故昞東入章安百姓未知昞乃升茅屋菴鼎舊  
本而爨主人驚怪昞笑而不應屋亦不損又嘗臨  
水求渡船人不許昞乃張蓋坐中長嘯呼風亂流而  
濟於是百姓神服從者如歸章安令惡而殺之民立  
祠於永寧而蚊蚋不能入昞秉道懷術而不能全身  
避害事同萋弘見龜瓦傳宋元之龜厄運之來故難救矣穀水  
又東入錢塘縣而左入浙江故地理志云穀水自太  
末東北至錢塘入浙江是也浙江又東逕靈隱山山  
在四山之中有高崖洞穴左右有石室三所又有孤  
石壁立大三十圍其上開散狀似蓮花昔有道士長



往不歸或因以稽留為山號山下有錢塘故縣浙江  
逕其南王莽更名之曰泉亭地理志曰會稽西部都  
尉治錢塘記曰防海大塘在縣東一里許郡議曹華  
信家議立此塘以防海水始開幕有能致一斛土者  
即與錢一千旬月之間來者雲集塘未成而不復取  
於是載土石者皆棄而去塘以之成故改名錢塘焉  
縣南江側有明聖湖父老傳言湖有金牛古見之神  
化不測湖取名焉縣有武林山武林水所出也闕駟  
云山出錢水東入海吳地記言縣唯浙江今無此水  
縣東有定包疑作鮑諸山皆西臨浙江水流於兩山之  
間江川急濬兼濤水晝夜再來來應時刻常以月晦

及望尤大至二月八月最高峨峨二丈有餘吳越春  
秋以為子胥文種之神也昔子胥死於吳而浮尸於  
江吳人憐之立祠於江上名曰胥山吳錄云胥山在  
太湖邊去江不百里故曰江上文種誠於越而伏劍  
於山陰越人哀之葬於重山文種既葬一年子胥從  
海上負種俱去游夫江海故潮水之前揚波者伍子  
胥後重水者大夫種是以枚乘曰濤無記焉然海水  
上潮江水逆流似神而非於是處焉秦始皇三十七  
年將遊會稽至錢塘臨浙江所不能渡故道餘杭之  
西津也浙江北合詔息湖湖本名阡湖因秦始皇帝  
巡狩所憩故有詔息之名也浙江又東合臨平湖異



苑曰晉武時吳郡臨平岸崩出一石鼓打之無聲以問張華華曰可取蜀中桐林刻作魚形扣之則鳴矣於是如言聲聞數十里劉道民詩曰事有遠而合蜀桐鳴吳石傳言此湖草穢壅塞天下亂是湖開天下平孫皓天璽元年吳郡上言臨平湖自漢末穢塞今夏開通又於湖邊得石函函中有小石青白色長四寸廣二寸餘刻作皇帝字於是改天冊為天璽元年孫盛以為元皇中興之符徵五湖之石瑞也錢塘記曰桓公之難湖水色赤熒熒如丹湖水上通浦陽江下注浙江名曰東江行旅所從以出浙江也又逕會稽山陰縣有苦竹里里有舊城言勾踐封范蠡子之

浙江又東逕國陵城下  
度會稽  
下  
漆山陰之

邑也浙江又東與蘭谿合湖南有天柱山湖口有亭號曰蘭亭亦曰蘭上里太守王羲之謝安兄弟數往造焉吳郡太守謝朐封蘭亭侯蓋取此亭以為封號也太守王廙之移亭在水中晉司空何無忌之臨郡也起亭於山椒極高盡眺矣亭宇雖壞基陞尚存浙江又逕越王允常冢北冢在木客邨者彥云勾踐使工人伐榮楯欲以獻吳久不得歸工人憂思作木客吟後人因以名地勾踐都琅琊欲移允常冢冢中生分風飛沙射人人不得近勾踐謂不欲遂止浙江又東北得長湖口湖廣五里東西百三十里沿湖開水門六十九所下溉田萬頃北瀉長江湖南有覆斗山



周五百里北連鼓吹山山西枕長谿谿水下注長湖山之西嶺有賀臺越入吳還而成之故號曰賀臺吳又有秦望山在州城正南為眾峰之傑陟境便見史記云秦始皇登之以望南海自平地以取山頂七里縣登孤危徑路險絕記云扳蘿捫葛然後能升山上無高木當由地迴多風所致山南有嵯峴峴裏有大城越王無餘之舊都也故吳越春秋云勾踐語范蠡曰先君無餘國在南山之陽社稷宗廟在湖之南又有會稽之山古防山也亦謂之為茅山又曰棟山越絕云棟猶鎮也蓋周禮所謂揚州之鎮矣山形四方上多金玉下多琇石山海經曰夕水出焉南流注於

湖吳越春秋稱覆釜山之中有金簡玉字之書黃帝之遺讖也山下有禹廟廟有聖姑象禮樂緯云禹治水異天賜神女聖姑即其象也山上有禹冢昔大禹即位十年東巡狩崩於會稽因而葬之有鳥來為之耘春拔艸根秒啄其穢是以縣官禁民不得妄害此鳥犯則刑無赦山東有禰去廟七里溪不見底謂之禹井云東遊者多探其穴也秦始皇登稽山刻石紀功尚存山側孫暢之述徑書云丞相李斯所篆也又有石山石形似山石形似御覽引此作石價上有金簡玉字之書言衍夏禹發之得百川之理也又有射的山遠望山的狀若射侯故為射的射的之西有石室名之為



射堂年登否常占射的以為貴賤之準的明則米賤  
 的闇則米貴故諺云射的白斛米百射的玄斛米千  
 北則石帆山山東北有孤石高二十餘丈廣八丈望  
 之如帆因以為名北臨大湖水深不測傳與海通何  
 次道作郡常於此水中得烏賊魚南對精廬上蔭修  
 木下瞰寒泉西連稽山皆一山也東帶若邪谿吳越  
 春秋所謂歐冶鑄劍鑄劍作以成五劍谿水上承嶠峴麻  
 谿谿之下孤潭周數畝甚清深有孤石臨潭垂崖俛  
 視援狄驚心寒木被潭森沈駭觀上有一櫟樹謝靈  
 運與從弟惠連常游之作連句題刻樹側麻潭下注  
 若邪谿水至清照眾山倒影窺之如畫漢世劉寵作

郡有政績將解任去治父老人持百錢出送寵各受  
 一文然山栖遯逸之士谷隱不羈之民有道則見物  
 以感遠為貴荷眾致意故受者以一錢為榮豈藉費  
 也義重故耳谿水下注大湖邪谿之東又有寒谿谿  
 之北有鄭公泉泉方數丈冬温夏涼漢太尉鄭弘宿  
 居潭側因以名泉弘少以苦節自居恒躬采伐用質  
 糧膳每出入谿津常感神風送之雖馮舟自運無杖  
 櫂之勞邨人貪藉風勢常依隨往還有淹留者徒輩  
 相謂汝不欲及鄭風邪其感致如此湖水自東亦注  
 江通海水側有白鹿山山北湖塘上舊有亭吳黃門  
 郎楊哀明居於弘訓里太守張景數往造焉使開瀆



作埭埭之西作亭亭埭皆以楊為名孫恩作賊從海  
 來楊亭被燒後復修立厥名猶在東有銅牛山山有  
 銅穴三十許丈穴中有大樹神廟山上有冶官山北  
 湖下有練塘里吳越春秋云勾踐鍊冶銅錫之處采  
 炭於南山故其間有炭瀆勾踐臣吳王封勾踐於越  
 百里之地東至炭瀆是也縣南九里有侯山山孤立  
 長湖中晉車騎將軍孔敬康少時遜世棲迹此山孔  
 會稽志云孔愉字敬康以論議守正為王導所銜出  
 為會稽內史在郡三年乃潛山陰湖南侯山下數畝  
 地為宅草屋數間優棄官居之湖北有三小山謂之鹿野山在縣南  
 六里按吳越春秋越之廟苑也山有石室言越王所  
 游息處矣縣湖北有陳音山楚之善射者曰陳音越

王問以射道又善其說乃使簡士習射北郊之外越

春秋范蠡進善射者陳音楚人也王曰善子之道願  
 子悉以教吾國人音曰道出於天事在於人人之所  
 習無有不神乃使音教士習射北郊之外三月軍士皆能用弓弩之巧按吳越春秋音

死葬於國西山上今陳音山乃在國南五里湖北有

射堂及諸邸舍連衍相屬又於湖中築塘直指南山

北即大越之國秦改為山陰縣會稽郡治也大史公

曰禹會諸侯計於此命曰會稽者會計也始以山名

因為地號夏后少康封少子杼以奉禹祠為越世歷

殷周至於允常列於春秋允常率勾踐稱王都於會

稽吳越春秋所謂越王都埤中在諸暨北界山陰康

樂里有地名邑中者是越事吳處故北其門以東為



右西為左故雙闕在北門外闕北百步有雷門門樓  
 兩層勾踐所造時有越之舊木矣州郡館宇屋之大  
 瓦亦多是越時故物勾踐霸世徙都郕邪後為楚伐  
 始還浙東城東郭外有靈汜下水甚淡舊傳下有地  
 道通於震澤又有勾踐所立宗廟在城東明里中甘  
 滂南又有玉笥竹林雲門天柱精舍竝疏山創基架  
 林栽宇譚虎澗延流盡泉石之好水流逕通浙江又  
 北逕山陰縣西西門外百餘步有怪山本瑯琊郡之  
 東武縣山也飛來徙此壓殺數百家吳越春秋稱怪  
 山者東武海中山也一名自來山百姓怪之號曰怪  
 山亦云越王無疆為楚所伐去瑯琊山東武人隨居

山下遠望此山其形似龜故亦有龜山之稱也越起

靈臺於山上又作三層樓以望雲物一云勾踐起怪

仰望天氣川土明秀亦為勝地故王逸少云從山陰

道上猶如鏡中行也浙江之上又有大吳王小吳王

邨竝是闔閭夫差伐越所舍處也今悉民居然猶存

故目昔越王為吳所敗以五千餘眾栖於稽山卑身

待士施必及下呂氏春秋曰越王之栖於會稽也有

酒投江民飲其流而戰氣自倍所投即浙江也許慎

晉灼竝言江水至山陰為浙江江之西岸有朱室隴

宋本勾踐百里之封西至朱室為此也浙江又東北

逕重山西大夫文種之所葬也山上有白樓亭亭本



山下縣令殷朗移置今處沛國桓儼避地會稽聞陳  
 業履行高潔往候不見儼後浮海南入交州臨去遺  
 書與業不因行李繫白樓亭柱而去升陟遠望山湖  
 滿目也永建中陽羨周嘉上書以縣遠赴會至難求  
 得分置遂以浙江西為吳以東為會稽漢高帝十二  
 年亦當作吳也後分為三世號三吳吳興吳郡會稽  
 其一為浙江又東逕禦兒鄉萬善歷曰吳黃武六年  
 正月獲彭綺是歲由拳西鄉有產兒墮宋本能語作墮  
 地便語云天明河欲清腳折金乃生是因詔為語兒鄉  
 非也禦兒之名遠矣蓋無智之徒因藉地民生情穿  
 鑿耳國語曰勾踐之地北至禦兒是也安得引黃武

此段移在五葉之前行旅所從  
 以出浙江也之下

證地哉韋昭曰越北鄙在嘉興浙江又東逕柴辟南  
 舊吳楚之戰地矣備候於此故謂之辟塞是以越絕  
 稱吳故從由拳辟塞渡會稽湊山陰是也浙江又逕  
 固陵城北昔范蠡築城於浙江之濱言可以固守謂  
 之固陵今之西陵也浙江又東逕祖塘謂之祖瀆昔  
 太守王朗拒孫策數戰不利孫靜果說策曰朗負阻  
 守難可卒拔祖瀆去此數十里是要道也若從此出  
 攻其無備破之必矣策從之破朗於固陵有西陵湖  
 亦謂之西城湖湖西有湖城山東有夏架山湖水上  
 承妖臯谿而下注浙江又逕永興縣南縣在會稽東  
 北一百二十里也闔閭弟夫槩之故邑也王莽之餘

移前書此

移前書此

水經卷四

三



行也漢末童謠云天子當興東南三餘之間故孫權  
改曰元興縣濱浙海又東合浦陽江江水之導源烏  
傷縣又東逕諸暨縣與洩谿合谿廣數丈中道有兩  
高山夾谿造雲壁立凡有五洩洩縣三十餘丈廣十  
丈中三洩不可得至登山遠望乃得見之下洩縣百  
餘丈水勢高急聲震水外上洩縣二百餘丈望若雲  
垂此是瀑布土人號為洩也江水又東逕諸暨縣南  
縣臨對江流江南有射堂縣北帶烏山故越地也未  
槩王之故邑先名上諸暨亦曰勾吳矣故國語曰勾  
踐之地南至勾吳王莽之疎虜也夾水多瀟瀟中有  
大湖春夏多水秋冬涸淺江水又東南逕剡縣與自

石山水會山上有瀑布縣水三十丈下注浦陽江浦  
陽江水又東流南屈又東迴北轉逕剡縣東王莽之  
盡忠也縣開東門向江江廣二百餘步自昔者舊傳  
縣不得開南門開南門則有賊盜江水翼縣轉注故  
有東渡西渡焉東南二渡通臨海竝汎單舩為浮航  
西渡通東陽併二十五舩為橋航江邊有查浦浦東  
行二百餘里與句章接界浦裏有六里有五百家竝  
夾浦居列門向水甚有良田有青谿餘洪谿大發谿  
小發谿江上有谿疑六谿列漑散入江夾谿上下崩  
崖若傾東有簞山會稽志云簞山在嵯縣東三十一里孔暕云山遙望之如鋪簞也  
南有黃山與白石三山為縣之秀峰山下衆流翦導



湍石激波浮險四注浦陽江又東逕石橋廣八丈高四丈下有石井口徑七尺橋上有方石長七尺廣一丈二尺橋頭有磐石可容二十人坐谿水兩旁悉高山山有石壁二十許丈谿中相攻鼎響外發未至橋數里僂聞其聲江水北逕唵山山下有亭亭帶山臨江松嶺森蔚沙渚平淨浦陽江又東北逕始寧縣嶧山之成功嶠嶠壁立臨江鼓路峻狹不得併行行者牽木梢進不敢俯視嶠西有山孤峯特上飛禽罕至嘗有采藥者於山見通谿尋上於山頂樹下有十二方石地甚方潔會稽志引此注還復覓尋遂迷前路言諸仙之所憩讌故以壇讌名山嶠北有嶧浦浦口

有廟甚靈驗行人及樵伐者皆先敬焉若相侵竊必為蛇虎所傷北則嶧山與唵山接二山雖曰異縣而峯嶺相連其間傾澗懷煙泉谿引霧吹哇水聲風馨觸岫延賞是以王元琳謂之神明境事備謝康樂山居詔浦陽江自嶧山東北逕太康湖車騎將軍謝玄田居所在會稽志引水經注作謝玄舊居右濱長江左旁連山平陵修通激湖遠鏡於江曲起樓樓側悉是桐梓森聳可愛居民號為桐亭樓樓兩面臨江盡升眺之趣蘆人鮫子汎濫滿焉湖中築路東出趨山路甚平直山中有三精舍高甍凌虛垂簷帶空俯眺平林煙杳在下會稽志引此注云俯瞰水陸寧晏足為避地之鄉矣江有平煙杳然在下



琵琶圻圻有古冢墮水甃有隱起字云筮吉龜凶八  
 百年落江中謝靈運取甃詣京咸傳觀焉乃如龜繇  
 故知冢已八百年矣浦陽江又東北逕始寧縣西本  
 上虞之南鄉也漢順帝永建四年陽羨周嘉上書始  
 分之舊治水西常有波潮之患晉中興之初治今處  
 縣下有小江源出岬山謂之岬浦逕縣下西流注於  
 浦陽秣山下注此浦浦西通山陰浦而達於江江廣  
 百丈狹處二百步高山帶江重蔭被水江闊鮫商川  
 交樵隱故桂棹蘭棹望景爭途江南有故城太尉劉  
 牢之討孫恩所築也江水東逕上虞縣南至王莽之  
 會稽也本司鹽都尉治也地名虞虞晉太康地記曰

舜避丹朱於此故以名縣百官從之故縣北有百官  
 橋亦云禹與諸侯會事訖因相虞樂故曰上虞二說  
 不同未詳孰是縣南有蘭風山山少木多石驛路帶  
 山旁江路邊皆作欄干山有三嶺枕帶長江苕苕孤  
 危望之若傾緣山之路下臨大川皆作飛閣欄干乘  
 之而渡謂此三嶺為三石頭丹陽葛洪遜世居之基  
 井存焉琅邪王方平性好山水又愛宅舊本作蘭風  
 垂釣於此以詠終朝行者過之不識問曰賣魚師得  
 魚賣否方平答曰釣亦不得復不賣亦謂是水為  
 上虞江縣之東郭外有鮫浦湖中有大獨小獨二山  
 又有覆舟山覆舟山下有鮫浦王廟廟今移入裏山



此一作三山孤立水中湖外有青山黃山澤蘭山重  
岫疊嶺參差入雲澤蘭山頭有溪潭山影臨水水色  
青綠山中有諸鵑有石榭一所右臨白馬潭潭之深  
無底傳云創湖之始邊塘屢崩百姓以白馬祭之因  
以名水湖之南即江津也江南有上塘陽中三里隔  
在湖南常有水患太守孔靈符過蠡山前湖以為埭  
埭下開瀆直指南津又作水榭二所以舍此江得無  
淹潰之害縣東有龍頭山山崖之間有石井冬夏常  
冽清泉南帶長江東連上陂江之道南有曹娥碑娥  
父盱迎濤溺死娥時年十四哀父尸不獨宋本作乃  
號踊江介因解衣投水祝曰若值父尸衣當沈若不

道衣當浮裁落便沈娥遂於沈處赴水而死縣令度  
尚使外甥邯鄲子禮為碑文以彰孝烈江濱有馬目  
山洪濤一上波隱是山勢淪岫亭間歷數縣行者難  
之縣東北上亦有孝子楊威母墓威少失父事母至  
孝常與母入山采薪為虎所逼自計不能禦於是抱  
母且號且行虎見其情遂弭耳舊本作而去自非誠  
貫精微孰能理感於英獸矣又有吳瀆破山導源注  
於胥江上虞江東逕周市而注永興地理志云縣有  
仇亭柯水東入海仇亭在縣之東北一十里江北柯  
水疑即江也又東北逕永興東與浙江合謂之浦陽  
江地理志又云縣有蕭山潘水所出東入海又疑是

郡國志曰餘暨魏都賦注曰縣有  
蕭山潛水出焉



地理志交趾郡縣有龍編又鬱林郡  
縣有領方員水入鬱又有橋水郡尉  
治縣入有臨塵有員水蒼白監塵

皆水名無注宜一水別作一行刊

浦陽江之別名也自外無水以應之浙江又東注於  
海故山海經曰浙江在其東在閩西北入海韋昭以  
松江浙江浦陽江為三江

斤江水出交趾龍編縣東北至鬱林領方縣東注於鬱  
地理志云逕臨塵縣至領方縣注於鬱

容容夜繻湛乘牛渚須無無濡營進皇無地零侵黎

侵黎水出廣州晉興郡郡以太康中分鬱林置得至

臨塵入鬱

無會重瀨夫省無變由蒲王都融勇外此皆出日南郡

西東東入於海漢地理志日南郡有水出日南郡  
千二百八十里屬交州此無會諸水蓋

十六水之名也

容容水在南垂名之以次轉北也右三十水從江已

南至日南郡也

嵩高為中岳在潁川陽城縣西北

春秋說題辭曰陰合陽故石凝為山國語曰禹封九

山山土之聚也爾雅曰山大而高曰崧合而言之為

崧高分而名之為二室西南為少室東北為太室嵩

高山記曰山下巖中有一石室云有自然經書自然

飲食又云山有玉女臺言漢武帝見因以名臺紀異  
志嵩

山有玉女禱帛石立秋  
前一日中夜常聞杵聲

泰山為東岳在泰山博縣西北

岱宗也王者封禪於其山示增高也有金策玉檢之

經文誤入注

地理志博山在西北泰山上



地理志瀋陽天柱山在南有祠

事焉

霍山為南岳在廬江灄縣西南

天柱山也爾雅云大山宮小山為霍開山圖曰其山

上侵神氣下固竈泉

華山為西岳在弘農華陰縣西南

地理志京兆郡縣有華陰太華山在南有祠豫州山

古文之惇物山也

禹貢云終南惇物至於鳥鼠按禹

然西傾朱圉鳥鼠至於太華已記之矣漢

書云惇物山也尚垂華字相亂邪史記索隱引漢書正作

雷首山在河東蒲阪縣東南

地理志蒲反雷首山在南

砥柱在河東大陽縣東河中

王屋山在河東垣曲縣東北也

地理志垣禹貢王屋山在東

昔黃帝受丹設於是山也

太行山在河內野王縣西北

地理志王太行山在西北

王烈得石髓處也

神仙傳王烈字長休邯鄲人嘗之

皆青石石中一穴有青泥流出如髓烈取泥試丸之

恒山為北岳在中山上曲陽縣西北

碣石山在遼西臨渝縣南水中也

大禹鑿其石右夾而納河秦始皇漢武帝皆嘗登之

海水西侵歲月逾甚而苞其山故言水中矣

析城山在河東濩澤縣西南

地理志濩澤禹貢析城山在西南

太岳山在河東永安縣

永安非漢縣

壺口山在河東北屈縣東南

地理志北屈禹貢壺口山在東南

龍門山在河東皮氏縣西

西京賦于前則終南太皞曰終南太一  
二名也善曰尚書曰終南敷物漢書曰太  
一古文以為終南王經要義曰太一名終  
南山在扶風武功縣此云終南太一山明矣  
蓋終南山之極名太一山之別號耳

地理志常山郡縣有上曲陽恒山北  
谷在西北有祠并州山

地理志河東旣霍大山在東冀州山  
應劭曰順帝改曰永安



梁山在馮翊夏陽縣西北河上

地理志夏陽禹貢梁山在西北

荆山在馮翊懷德縣南

地理志懷德禹貢北條荆山在南下有疆梁原

岐山在扶風美陽縣西北

關山在扶風汧縣之西也

禹貢無關山漢志扶風汧縣有吳山在西古文以為汧山

周禮雍州之鎮曰岳山鄭云吳岳也

隴山終南山惇物山在扶風武功縣西南也

須山在隴西臨洮縣西南

頃讀曰傾舊作須據漢志改

禹貢中條山也

禹貢西傾因桓是來馬融王肅禹貢說云岍為北條西傾中條嶓冢南條

北三條也

地理志臨洮禹貢西頃山在縣西

嶓冢山在隴西氐道縣之南

地理志氐道

南條山也

鳥鼠同穴山在隴西首陽縣西南

地理志首陽禹貢鳥鼠同穴山在西南

鄭玄曰鳥鼠之山有鳥焉與鼠飛行而處之又有止

而同穴之山焉是二山也鳥名為鶖似鷄而黃黑色

鼠如家鼠而短尾穿地而共處鼠內而鳥外孔安國

曰共為雌雄杜彥達曰同穴止宿養子互相哺食長

大乃止張晏言不相為牝牡故因以名山

沈約宋書嶺北有雀鼠同穴或在山嶺或在平地雀色白鼠色黃地生黃紫花草便有雀鼠穴此雖非本注存之以

廣異聞

積石在隴西河關縣西南

後漢屬

山海經云山在鄧林東河所入也

都野澤在武威縣東北

地理志武威郡縣有武威休屠澤在東古文以為豬野澤

地理志武功太壹山古文以為終南垂山古文以為敦物皆在縣東

元和郡縣志渭原縣本漢首陽縣鳥鼠山名青雀山在縣西七十六里

地理志金城河關積石山在西南羌中

山海經注引此知此是經文不則後人以此附于山海經注者



縣在姑臧城北三百里東北即休屠澤也古文以為  
豬野也其水上承姑臧武始澤澤水二源東北流為  
一水姑臧縣故城西東北流水側有靈源池宋本作  
王隱晉書曰漢末博士燉煌侯瑾善內學語弟子曰  
涼州城西泉水當竭有雙關其上至魏嘉平中武威  
太守條茂起學舍築闕於此泉太守填水造起門樓  
與學闕相望泉源徙發重導於斯故有靈淵之名也  
澤水又東北流逕馬城東城即休屠縣之故城也本  
匈奴休屠王都謂之馮城河又東北與橫水合水出  
姑臧城下武威郡涼州治地理風俗記曰漢武帝元  
朔三年改雍曰涼州以其金行土地寒涼故也遷於

冀晉徙治此王隱晉書曰涼州有龍形故曰臥龍城  
南北七里東西三里本匈奴所築也及張氏之世居  
也又增築四城箱各千步東城殖園果命曰講武場  
北城殖園果命曰玄武圃皆有宮殿中城內作四時  
宮隨節游幸并舊城為五街衢相通二十二門大繕  
宮殿觀閣采綺妝飾擬中夏也其水側城北流注馬  
城河河水又東北清澗水入焉俗亦謂之為五澗水  
也水出姑臧城東而西北流注馬城河河水又與長  
泉水合水出姑臧東楛次縣王莽之播德也按漢地  
次縣屬武威郡孟康云楛音西北歷黃沙阜而東北  
子如反次音咨舊本作楛誤流注馬城河又東北逕宣威縣故城南又東北逕平



澤晏然二亭東又東北逕武威縣故城東漢武帝太  
初四年匈奴渾邪王殺休屠王以其眾置武威縣武  
威郡海王莽更名張掖地理志曰谷水出姑臧南山北  
至武威入海居此水流兩分一水北入休屠澤俗謂  
之為西海一水又東逕一百五十里入豬野世謂之  
東海通謂之都野矣

合離山在酒泉會水縣東北

合黎山也

流沙地在張掖居延縣東北

地理志居延澤在東北古文以為流沙

居延澤在其縣故城東尚書所謂流沙者也形如月  
生五日也弱水入流沙流沙與水流行也亦言出鍾

山海經所云其外有炎火之山是此石為之

山西行極崦嵫之山在西海郡北山有石赤白色以

兩石相打則水澗打之不已潤盡則火出山石皆炎  
炎起數丈逕日不滅有大黑風自流沙出奄之乃滅

其石如初言動火之事發疾經年故不敢輕近耳流  
沙又逕浮渚歷壑市之國又逕于鳥山之東朝雲國

西歷崑山西南出於過瀛之山大荒西經云西南海  
之外流沙出焉逕夏后開開上三殞于天得九辯與

九歌焉又歷負丘不死之西入於南海據宋本補六字

三危山在燉煌縣南地理志敦煌郡縣有敦煌

山海經曰三危之山三青鳥居之是山也廣圓百里  
在鳥鼠山西即尚書所謂竄三苗於三危也春秋傳



地理志冀州貢朱園山在縣南格中聚

曰允姓之姦居於瓜州瓜州地名也杜林曰燉煌古瓜州也州之貢物地出好瓜民因氏之瓜州之戎并於月氏者也漢武帝後元分酒泉置南七里有鳴沙山故亦曰沙州也

朱園山在天水北冀縣南

元和郡縣志伏羌縣漢冀縣朱園山在縣西南六十里

即冀縣山有石鼓開山圖謂之天鼓山九州害起則鳴有常應又云石鼓山有石鼓於星為河鼓星動則石鼓鳴石鼓鳴則秦土有殃鳴淺殃萬物鳴淡則殃君王矣

岷山在蜀郡游氏道西

地理志游氏道禹貢嶓山在西徽外

漢書以為瀆山者也

嶓冢山在弘農盧氏縣南

本作嶓冢是

是山也穀水出其北林也

地理志盧氏熊耳山在東

荆山在南郡臨沮縣東北

地理志臨沮禹貢南條荆山在東北

東條山也

漢地理志云禹貢北條荆山在馬翊襄德縣南其南條荆山在南郡臨沮縣東北此

云東條所未詳也

卞和得玉璞於是山楚王不理懷璧哭於

其下後主人理之所謂和氏之玉焉

內方山在江夏竟陵縣東北

地理志竟陵章山在東北古文以為內方山

禹貢注章山也

大別山在廬江安豐縣西南

禹貢內方至於大別孔傳云二山在荊州漢所經也

荊州大別山在江夏郡比廬江大別疑非一山

地理志六安國縣有安豐禹貢大別山在西南

外方山崧高是也

案戴君本改嶓冢為熊耳以其復前且非導漾之嶓冢耳然攷山海經傳山西有林焉名曰嶓冢穀水出焉則此嶓冢即熊耳之異名不疑同名異實也



桐柏山在南陽平氏縣東南地理志平氏禹貢桐柏大復山在東南

陪尾山在江夏安陸縣東北地理志安陸橫尾山在東北古文以為陪尾山

衡山在長沙湘南縣南地理志湘南禹貢衡山在東南荆州山

禹治洪水血馬祭衡山於是得金簡玉字之書按省玉字得通水埋也

九江地在長沙下雋縣西北雲夢澤在南郡華容縣之

東東陵地在廬江金蘭縣西北地理志廬江金蘭縣西北有東陵鄉前後漢志廬江郡無金

云金蘭西北有東陵鄉水經則縣字衍文也

敷淺原地在豫章歷陵縣西彭蠡澤在豫章彭澤縣北

尚書所謂彭蠡既豬陽鳥攸居也地理志彭澤禹貢彭蠡澤在西

中江在丹陽蕪湖縣南東至會稽陽羨縣入於海震澤地理志震澤南江也

地理志會稽吳具區澤在岳揚州蕪古文以為震澤

在吳縣南五十里北江在毗陵北界東入於海

嶧陽山在下邳縣之西地理志會稽毗陵江在東北入海揚州川

羽山在東海祝其縣南也地理志祝其禹貢羽山在南縣所殛

縣即王莽之猶亭也尚書殛鯀於羽山謂是山也山西有羽淵禹父之所化其神為黃能以入淵矣故山海經曰洪水滔天鯀竊帝之息壤以堙水不待帝命帝令祝融殺鯀於羽郊者也

陶丘在濟陰定陶縣之西南

陶丘丘再成也

地理志湖陵禹貢浮于泗淮通于河水在南又成陽禹貢雷澤在西北

荷澤在定陶縣東雷澤在濟陰成陽縣西北河水在山

陽湖陸縣南蒙山在太山蒙陰縣西南大野澤在山陽

地理志定陶禹貢陶丘在西亭陶邱亭

地理志蒙陰禹貢蒙山在西南有祠



地理志鉅野大野澤在兗州

鉅野縣東北大邳在河南成臯縣北

爾雅白山一成謂之邳然則大邳山名非地之名也

禹貢東過洛汭至於大伾鄭玄注云大伾在修武武德之界張揖云成臯縣山也臣瓚漢書注云修武武德無此山而成臯山又不一成今黎陽縣山臨河是大伾也

地理志汶江沱在西南東入江又邳魯江沱在

地理志梁國睢陽禹貢盟諸澤在東北

明都澤在梁郡睢陽縣東北益州沱水在蜀郡汶江縣

江西南東入

西南其一在郾縣西南皆還入江荆州沱水在南郡枝

江縣三澨地在南在郾縣之北沱江沱當作沱漢志蜀郡汶

入江南郡枝江縣注江沱出西東入江邳縣誤漢志南郡有邳縣疑轉寫譌也

尚書曰導漢水過三澨地說曰沔水東行過三澨合

流觸大別山陂故馬融鄭玄王肅孔安國等咸以為

三澨水名也許慎言澨者埤增水邊土人所止也按

春秋左傳曰文公十有六年楚軍次於勾澨以伐諸

庸宣公四年楚令尹子越師於漳澨定公四年左司

馬成敗吳師於雍澨昭公二十三年司馬蕞越澨於

蓬澨左傳作蓬澨服虔或謂之邑又謂之地京相璠曰杜

預亦云水際及邊地名也今南陽清陽二縣之間清

水之濱有南澨北澨矣而諸儒之論水陸相半又無

山源出處之所津途關路唯鄭玄及劉澂之言在竟

陵縣界經云邳縣北池然池流多矣池當作沱而論者疑

焉而不能辨其所在

右禹貢山水澤地所在凡六十

甲辰七月廿九寫上班固地理志



庚子十二月一日醉

十二月十二日自定遠至壽州道中讀宿姚岡

水經向無善本予驟讀之便知經注錯亂以意定之凡所亡者數十處嗣以唐人引此書若史記正義索隱文選注藏文類聚初學記元和郡縣圖志校之又正其謬者



十五項得休寧戴東原本所校極精多與鄙意相合復是正數十條始知閉門合微語非妄也其與戴君不同者甚多亦不敢附和也

伯淵觀察於此書用功最深晚年對客猶能稱引淵翻不須持本也手校丹黃滿紙中多與戴東原氏異說尤可資考索道光四年閏月觀於桐城汪君均之拙案為識其後顧千里

### 水經卷四十

自昔山川奠定著述之家志輿圖者代有其人數傳而後卷帙散佚已無足稽惟漢桑欽氏撰輯水經流傳最久然大綱具舉而節解猶疎後魏酈子道元窮源竟委而詳注之考訂不厭辭煩引證必求實據於是經以簡貴注以詳明彼此相成厥功甚懋嗣後朱謀瑋復增注箋蔡正甫又作補正是皆羽翼二氏為功川阜者也夫古人著述原以昭示後人而傳世行遠尤藉後人保護而珍藏之第萬物與時消息維彼金石尚有磨磷區區棗梨興毀又奚足怪哉此予所以覽舊刻而不禁慨然也方今水利宏開寰宇稱便渠河溝洫皆塵



宸衷則是水經一書胡可淹替爰取舊本重為校刊俾  
作之於前者得以流傳於後聊存好古之心用普  
同人之願云爾時  
乾隆癸酉秋八月新安歛西黃晟曉峯氏跋於槐蔭  
草堂



同治戊辰閏四月錄始至六月竣工朱墨一依原本初十日江山劉履芬記于吳中書局



